

ლანჩხუთის მუნიციპალიტეტის საკრებულოს
ფრაქცია „ქართული ოცნება-დემოკრატიული საქართველოს“
სხდომის ოქმი №5

ქ.ლანჩხუთი

21.02.2018 წელი

სხდომას ესწრებოდა: ფრაქცია „ქართული ოცნება-დემოკრატიული საქართველოს“ თავმჯდომარე ბესიკ კუპრაძე

ფრაქციის წევრები:

კახა ბოლქვაძე, ციციხო ჩხაიძე, კახა თედორაძე, რეზო კვაჭაძე, თორნიკე ტიკაძე, რევაზ კვერენჩილაძე, ზაალ სანაძე, ციციხო ურუშაძე.

მოწვეული პირები: მერიის ეკონომიკისა და ქონების მართვის სამსახურის უფროსი მამუკა ვადაჭკორია, მერიის იურიდიული სამსახურის უფროსი შოთა ჩაგუნავა, საფინანსო-საბიუჯეტო სამსახურის უფროსი როლანდ ლაშხია.

ფრაქციის თავმჯდომარემ, ბესიკ კუპრაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი ბ. კუპრაძე/

2. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი ბ.კუპრაძე/

3. „ლანჩხუთის მუნიციპალიტეტის მერიის დებულების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N37 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი ბ.კუპრაძე/

4. „ლანჩხუთის მუნიციპალიტეტის 2018 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 27 დეკემბრის N54 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი ბ.კუპრაძე/

5. სხვადასხვა.

ფრაქციის თავმჯდომარემ ბესიკ კუპრაძემ კენჭი უყარა დღის წესრიგის პროექტს: მომხრე 9, წინააღმდეგი არცერთი.

დღის წესრიგის პირველ საკითხზე: „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა, **მამუკა ვადაჭკორიამ**. მან აღნიშნა, რომ „სახელმწიფო და ადგილობრივი თვითმმართველი ერთეულის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის განსაზღვრის წესის დამტკიცების შესახებ“ საქართველოს პრეზიდენტის 2013 წლის 10 ოქტომბრის N784 ბრძანებულების პირველი მუხლის მე-2 პუნქტის შესაბამისად, მიწის ნორმატიულ ფასს საბაზრო ღირებულების გათვალისწინებით წელიწადში ერთხელ, არა უგვიანეს ყოველი წლის თებერვლისა, ადგენენ შესაბამისი ადგილობრივი თვითმმართველი ერთეულის წარმომადგენლობითი ორგანოები – საკრებულოები. საქართველოს ორგანული კანონის „ადგილობრივი თვითმმართველობის კოდექსი“ 24-ე ნაწილის „ე“ პუნქტის „ე.გ“ ქვეპუნქტის შესაბამისად კი საკრებულოს უფლებამოსილებას მიეკუთვნება საქართველოს მთავრობის მიერ დადგენილი წესით მუნიციპალიტეტის საკუთრებაში არსებული მიწის ნორმატიული ფასის დადგენა.

ამასთან, ამავე დადგენილებით ძალადაკარგულად უნდა გამოცხადდეს „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს 2017 წლის 28 თებერვლის N6 დადგენილება.

მუხლი 1.

სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების 1 კვადრატული მეტრი მიწის ნორმატიული ფასი (შემდგომში „მიწის ნორმატიული ფასი“) გამოანგარიშდება შემდეგი ფორმულის მიხედვით: $CN = IMGX \cdot ITL \cdot CX \cdot K$, სადაც:

1. CN არის ერთი კვადრატული მეტრი არასასოფლო-სამეურნეო დანიშნულების მიწის ნორმატიული ფასი.
2. IMG არის ქ. ლანჩხუთის მიკრომდებარეობის ინდექსი, რომელიც უდრის 0,38-ს;
3. ITL არის ლოკალური ტერიტორიული ინდექსი, რომელიც უდრის ერთს.
4. C არის არასასოფლო-სამეურნეო დანიშნულების მიწის ერთ კვადრატულ მეტრზე დადგენილი საბაზისო განაკვეთი და მისი მნიშვნელობა უდრის 0,24 ლარს.
5. K არის მიწის ნორმატიული ფასის მარეგულირებელი კოეფიციენტი და მისი მნიშვნელობა შეადგენს 100.

მუხლი 2.

პირველი პუნქტის შესაბამისად, ქალაქ ლანჩხუთის მიწის ნორმატიული ფასი დადგინდეს შემდეგი სახით: $CN = 0,38 \cdot X1 \cdot X2 \cdot X3 = 9,12$.

მუხლი 3.

ლანჩხუთის მუნიციპალიტეტის ადმინისტრაციულ ერთეულებში მიწის ნორმატიული ფასი დადგენილია ქალაქ ლანჩხუთის დადგენილი ფასის 35%-ის ოდენობით და იგი შეადგენს 3,19 ლარს.

მუხლი 4.

ლანჩხუთის მუნიციპალიტეტის დასახლებათა შორის არეალებში მიწის ნორმატიული ფასი დადგენილია ქალაქ ლანჩხუთის დადგენილი ფასის 25%-ის ოდენობით და იგი შეადგენს 2,28 ლარს.

მუხლი 5.

სოფელ მალთაყვიდან მდინარე სეფისწყალამდე შავი ზღვის ნაპირიდან 500 მეტრის რადიუსში არსებულ დასახლებებში და დასახლებათა შორის არეალებში მიწის ნორმატიული ფასი განისაზღვროს ქალაქ ლანჩხუთის დადგენილი ფასის 100%-ის ოდენობით, რაც შეადგენს 9,12 ლარს. ამ შემთხვევაში არ გამოიყენება ამ წესის მე-3, მე-4 და მე-6 მუხლებით დადგენილი ნორმები.

მუხლი 6.

ლანჩხუთის მუნიციპალიტეტის დასახლებათა შორის არეალებში „საერთაშორისო და შიდა სახელმწიფოებრივი მნიშვნელობის საავტომობილო გზების ნუსხის დამტკიცების შესახებ“ საქართველოს მთავრობის 2014 წლის 18 ივნისის №407 დადგენილებით განსაზღვრულ საერთაშორისო და შიდასახელმწიფოებრივი მნიშვნელობის საავტომობილო გზების 50 მეტრის რადიუსში (თითოეულ მხარეს), გარდა დანართის მე-2 და მე-5 პუნქტებით გათვალისწინებული ტერიტორიებისა, მიწის ნორმატიული ფასი განისაზღვროს ქ. ლანჩხუთში დადგენილი მიწის ნორმატიული ფასის 50%-ის ოდენობით და იგი შეადგენს 4,56 ლარს. ამ შემთხვევაში არ გამოიყენება ამ წესის მე-3–მე-5 მუხლებით დადგენილი ნორმები.

მერიის ეკონომიკისა და ქონების მართვის სამსახურის უფროსის მოვალეობის შემსრულებელმა, **მამუკა ვადაჭკორიამ** ასევე განმარტა, რომ აღნიშნულ პროექტში დაშვებულია რედაქციული სახის შეცდომა, რომლის შესახებ საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის სხდომაზე განაცხადა. კერძოდ, პროექტში წერია „მიკრომდებარეობის ინდექსი“, უნდა ეწეროს „მაკრომდებარეობის ინდექსი.“

ფრაქციის თავმჯდომარემ ბესიკ კუპრაძემ კენჭი უყარა საკითხს:
მომხრე, წინააღმდეგი არცერთი.

დადგენილების პროექტი ფრაქციის წევრების მიერ მოწონებულ იქნა შენიშვნების გარეშე.

დღის წესრიგის მეორე საკითხზე: „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის ეკონომიკისა და ქონების მართვის სამსახურის უფროსის მოვალეობის შემსრულებელმა, **მამუკა ვადაჭკორიამ**. მან აღნიშნა, რომ საქართველოს საგადასახადო კოდექსის მე-7 მუხლის პირველი ნაწილის შესაბამისად, ადგილობრივი თვითმმართველობის წარმომადგენლობითი ორგანო უფლებამოსილია შემოიღოს ამ კოდექსით დაწესებული ადგილობრივი გადასახადი ადგილობრივი თვითმმართველი ერთეულის მთელ ტერიტორიაზე ერთიანი განაკვეთის სახით ან/და ამ ერთეულის ტერიტორიაზე ცალკეული დარგების ან/და საქმიანობის სახეების მიხედვით, ამავე კოდექსით დადგენილი ზღვრული განაკვეთის ფარგლებში. ამავე კოდექსის 204-ე მუხლის მე-4 ნაწილის შესაბამისად მიწაზე საგადასახადო ვალდებულება განისაზღვრება საგადასახადო წლის 1 აპრილისათვის მოქმედი განაკვეთებით. ზემოთ აღნიშნულის გათვალისწინებით, მიზანშეწონილია საკრებულომ ყოველწლიურად განსაზღვროს ლანჩხუთის მუნიციპალიტეტის ტერიტორიაზე ქონების გადასახადის განაკვეთი.

ამასთანავე, ამავე დადგენილებით ძალადაკარგულად უნდა გამოცხადდეს „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს 2017 წლის 28 თებერვლის N7 დადგენილება.

ზემოაღნიშნულის გათვალისწინებით, შემოღებულ უნდა იქნას ლანჩხუთის მუნიციპალიტეტის ტერიტორიაზე ადგილობრივი (ქონების) გადასახადი და მისი განაკვეთი განისაზღვროს შემდეგნაირად:

მუხლი 1

საწარმოსთვის/ორგანიზაციისათვის ქონების გადასახადის წლიური განაკვეთია დასაბეგრი ქონების ღირებულების 1 პროცენტი. ამ მუხლის მიზნებისათვის დასაბეგრი ღირებულება არის საშუალო წლიური საბალანსო ღირებულება (გამოიანგარიშება კალენდარული წლის დასაწყისისა და ბოლოსათვის აქტივების საშუალო ღირებულების მიხედვით), რომელიც ქვემოთ ჩამოთვლილ შემთხვევებში მხოლოდ უძრავ ქონებასთან მიმართებით უნდა გაიზარდოს:

- ა) 2000 წლამდე მიღებულ აქტივებზე - 3-ჯერ;
- ბ) 2000 წლიდან 2004 წლამდე მიღებულ აქტივებზე - 2 - ჯერ;
- გ) 2004 წელს მიღებულ აქტივებზე - 1,5 - ჯერ;
- დ) იმ აქტივებზე, რომელთა მიღების შესახებ ინფორმაცია არ არსებობს - 3 -ჯერ.

მუხლი 2

საწარმოსთვის/ორგანიზაციისათვის, გარდა საგადასახადო კოდექსის 202-ე მუხლის 3¹ ნაწილით გათვალისწინებული შემთხვევისა, ლიზინგით გაცემულ დასაბეგრი ქონებაზე გადასახადის წლიური განაკვეთია დასაბეგრი ქონების საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და ბოლოსათვის აქტივების საშუალო ღირებულების მიხედვით) 1 პროცენტი. ამ მუხლის მიზნებისათვის ლიზინგით გაცემული დასაბეგრი ქონების საბალანსო ღირებულება არის ქონების გაცემის მომენტისათვის არსებული ღირებულება, ხოლო ყოველ მომდევნო წლისათვის ქონების ღირებულებად ითვლება აღნიშნული ქონების ნარჩენი საბალანსო ღირებულება, რომელიც ამ ქონებას ექმნებოდა ლიზინგით არგაცემის შემთხვევაში.

მუხლი 3.

ფიზიკური პირის დასაბეგრი ქონებაზე გადასახადის წლიური განაკვეთებია:

- ა) 100 000 ლარამდე შემოსავლის მქონე ოჯახებისათვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 2 პროცენტი.
- ბ) 100 000 ლარის ან მეტი შემოსავლის მქონე ოჯახებისათვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 1.0 პროცენტი.

მუხლი 4.

განისაზღვროს ლანჩხუთის მუნიციპალიტეტის ტერიტორიაზე სასოფლო-სამეურნეო დანიშნულებისა და ტყის მიწაზე ქონების გადასახადის წლიური განაკვეთი ერთ ჰექტარზე გაანგარიშებით, ლარებში:

- 1. სათიბი (ბუნებრივი და გაკულტურებული) - 20.00 ლარი;
- 2. სამოვარი (ბუნებრივი და გაკულტურებული) - 16.00 ლარი;
- 3.სახნავი (მათ შორის, მრავალწლიანი ნარგავებით დაკავებული მიწა, საბაღე, საბოსტნე,) - 73.00 ლარი;
- 4 საკარმიდამო - 73.00 ლარი;
- 5.სასოფლო-სამეურნეო საქმიანობაში გამოყენებული ტყის მიწებისათვის:

- ა) სათიბი - 20.00 ლარი;
- ბ) სამოვარი - 16.00 ლარი;
- გ) სახნავი - 73.00 ლარი;

მუხლი 5.

განისაზღვროს ლანჩხუთის მუნიციპალიტეტის ტერიტორიაზე ბუნებრივი რესურსებით მოსარგებლე პირისათვის (შესაბამისი ლიცენზიის გაცემის საფუძველზე) გამოყოფილ მიწებზე ქონების გადასახადის წლიური განაკვეთი ერთ ჰექტარზე 3 ლარით.

მუხლი 6

არასასოფლო-სამეურნეო დანიშნულების მიწის ერთ კვადრატულ მეტრზე გადასახადის წლიური განაკვეთები ლანჩხუთის მუნიციპალიტეტის ტერიტორიაზე განისაზღვროს შემდეგი ოდენობით ლარებში:

ქ. ლანჩხუთი - ტერიტორიული კოეფიციენტი-1,0; საბაზისო განაკვეთი 1 კვ. მ-ზე (ლარებში)-0,24; წლიური გადასახადის განაკვეთი 1 კვ.მ-ზე (3x4) -0,24;

ლანჩხუთის მუნიციპალიტეტის სოფლებში-ტერიტორიული კოეფიციენტი-0,9; საბაზისო განაკვეთი 1 კვ. მ-ზე (ლარებში)-0,24; წლიური გადასახადის განაკვეთი 1 კვ.მ-ზე (3x4) -0,216;

მუხლი 7

1. ქონების გადასახადისაგან გათავისუფლდეს:

ა) საცხოვრებელ სახლებზე მიმაგრებული მიწის ნაკვეთები, რომლის ფართობი არ აღემატება 600 კვ.მ-ს.

ბ) ავტოფარეხზე მიმაგრებული მიწის ნაკვეთები, რომლის ფართობი არ აღემატება 24 კვ.მ-ს.

2. ამ მუხლის პირველი პუნქტით გათვალისწინებული ქონების გარდა, ქონების გადასახადისაგან გათავისუფლებისას გამოიყენება საქართველოს საგადასახადო კოდექსის 206-ე მუხლი.

3. ქონების გადასახადის გამოანგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებით.

ფრაქციის თავმჯდომარემ ბესიკ კუპრაძემ კენჭი უყარა საკითხს:

მომხრე 9, წინააღმდეგი არცერთი.

დადგენილების პროექტი ფრაქციის წევრების მიერ მოწონებულ იქნა შენიშვნების გარეშე.

დღის წესრიგის მესამე საკითხზე: „ლანჩხუთის მუნიციპალიტეტის მერიის დებულების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N37 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის იურიდიული სამსახურის უფროსმა, **შოთა ჩაგუნავამ**. მან აღნიშნა, რომ მუნიციპალიტეტის მერიის დებულების დამტკიცების შემდეგ მთავრობის ადმინისტრაციის მიერ გამოთქმულ იქნა რედაქციული სახის შენიშვნები, რომელთა გათვალისწინება არსებითად არ ცვლის მიღებული ნორმატიული აქტის შინაარსს. აქედან გამომდინარე, მართებულია, რომ აღნიშნული ცვლილებები ასახულ იქნას მუნიციპალიტეტის მერიის დებულებაში.

ფრაქციის თავმჯდომარემ ბესიკ კუპრაძემ კენჭი უყარა საკითხს:

მომხრე 9 , წინააღმდეგი არცერთი.

დადგენილების პროექტი ფრაქციის წევრების მიერ მოწონებულ იქნა შენიშვნების გარეშე.

დღის წესრიგის მეოთხე საკითხზე: „ლანჩხუთის მუნიციპალიტეტის 2018 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 27 დეკემბრის N54 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის საფინანსო-საბიუჯეტო სამსახურის უფროსმა, **როლანდ ლაშხიამ**. მან აღნიშნა, რომ საქართველოს მთავრობის 2018 წლის 18 იანვრის N136 განკარგულებით საქართველოს რეგიონებში განსახორციელებელი პროექტების ფონდიდან ლანჩხუთის მუნიციპალიტეტს გამოეყო სულ 1264761 ლარი. მათ შორის: სახელმწიფო ფონდი შეადგენს 1201522 ლარს, თანადაფინანსება 63239 ლარს.

შემოსავლის ნაწილში გაიზარდოს კაპიტალური ტრანსფერები 1201522 ლარით და არაფინანსური აქტივების კლება 63239 ლარით.

საფინანსო-საბიუჯეტო სამსახურის უფროსმა, **როლანდ ლაშხიამ** ასევე აღნიშნა, რომ შს სამინისტროს პროექტი: „უსაფრთხო ქალაქი, უსაფრთხო რეგიონი, უსაფრთხო ქვეყნის“ ფარგლებში ხორციელდება 2 ტიპის ვიდეოკამერების შესყიდვა, კერძოდ: ნომრის ამომცნობი და ზოგადი ხედვის. ამ მიზნით პროექტში მონაწილე ყველა მუნიციპალიტეტმა ადგილობრივ ბიუჯეტში 2017 წელს გამოყო შესაბამისი თანხა, რომლის ფარგლებშიც 2017 წელს შესყიდული იქნა სახელმწიფო სანომრე ნიშნის ამომცნობი ვიდეოკამერები, შესაბამისი რაოდენობებით და დასაწყობდა შსს-ს საწყობში. მეორე ტიპის ვიდეოკამერების - ზოგადი ხედვის ვიდეოკამერების - შესყიდვის მიზნით, 2017 წლის 19 ოქტომბერს საქართველოს რეგიონული განვითარებისა და ინფრასტრუქტურის სამინისტროში მუნიციპალიტეტებსა და საქართველოს შინაგან საქმეთა სამინისტროს შორის გაფორმდა შეთანხმება ერთობლივ ელექტრონულ ტენდერში მონაწილეობის მიღების თაობაზე, რომელიც მოგვიანებით ჩაიშალა, ამიტომ ყველა მუნიციპალიტეტს ეთხოვა 2018 წლის საბიუჯეტო ასიგნებებში გაეთვალისწინებინათ შესაბამისი საბიუჯეტო თანხები ზოგადი ხედვის ვიდეოკამერების შესასყიდად. საქართველოს მთავრობის კანცელარიასთან შეთანხმებით, უახლოეს მომავალში შინაგან საქმეთა სამინისტრო განმეორებით გამოაცხადებს ერთობლივ ელექტრონულ ტენდერს, რომლის ფარგლებშიც მოხდება ზოგადი ხედვის ვიდეოკამერების შესყიდვა, მონტაჟითა და თანმდევი 1 წლიანი მომსახურებით. ზემოაღნიშნულიდან გამომდინარე, პროექტში მონაწილე მუნიციპალიტეტებსა და შსს-ს შორის გაფორმდა ახალი შეთანხმება, რომლის მიხედვით განისაზღვრა, რომ 2018 წელში ლანჩხუთის მუნიციპალიტეტს 10 ერთეული ზოგადი ხედვის კამერების და კვების ბლოკების შესაბამისი აღჭურვილობით და თანმდევი მომსახურებით სახელმწიფო შესყიდვა თანხით 11530 ლარი დაფინანსება უზრუნველყოფილი უნდა იქნას ბუნებრივი რესურსებით სარგებლობის მოსაკრებლის ზრდით.

ფრაქციის თავმჯდომარემ ბესიკ კუპრაძემ კენჭი უყარა საკითხს:
მომხრე 9 , წინააღმდეგი არცერთი.

დადგენილების პროექტი ფრაქციის წევრების მიერ მოწონებულ იქნა შენიშვნების გარეშე.

სხვადასხვა :

ფრაქციის თავმჯდომარე ბესიკ კუპრაძემ აღნიშნა, რომ აუცილებელია N1 საჯარო სკოლის წინ შუქნიშნის დაყენება, რომელიც დაარეგულირებს გზაზე არსებულ მდგომარეობას.

ფრაქციის მოადგილე ციცინო ჩხაიძემ აღნიშნა, რომ აუცილებელია მოხუცებულთა თავმესაფრის არსებობა, რომელიც დაზოგავს ქირავნობის პროგრამაში არსებული თანხებს. მუნიციპალიტეტის ტერიტორიაზე ყოფილი ინტერნატის შენობაში, შეიძლება აღნიშნული თავმესაფრის განთავსება და არსებული ადგილი მოიპოვებს დანიშნულებას და მოწესრიგდება მიმდებარე ტერიტორია. ასევე მან აღნიშნა, რომ აუცილებელია აიკრძალოს ქალაქის ცენტრში არსებული გარე ვაჭრობა და სასწრაფოდ დასასუფთავებელია მიმდებარე ტერიტორია, რადგან არის ანტისანიტარია.

დეპუტატმა კახა თედორაძემ აღნიშნა, რომ ღრმაღელის ადმინისტრაციულ ერთეულში, სოფელ წყალწმინდაში ომში დაღუპული მეომრების მემორიალი არის დასასრულებელი და საჭიროა შეფასდეს რა თანხა დასჭირდება, რომ მიიღოს საბოლოო სახე.

დეპუტატმა ზაალ სანაძემ აღნიშნა, რომ სკოლებში საპირფარეშოების თემა კატასტროფულია, არის სრული ანტისანიტარია. სასწრაფოდ საჭიროა შეხედდეს ადმინისტრაციულ ერთეულებში არსებული სკოლის დირექტორებთან, რომ ყველა ჩაერთოს აღნიშნული პრობლემის მოგვარებაში. ასევე მან აღნიშნა, რომ ქალაქში არსებული კულტურის ცენტრის უკან არსებული საპირფარეშო არის ცუდ ანტისანიტარულ პირობებში, ამიტომ უმჯობესია დაინგრეს აღნიშნული.

ლანჩხუთის მუნიციპალიტეტის
საკრებულოს ფრაქცია
„ქართული ოცნება-დემოკრატიული
საქართველოს“ თავმჯდომარე:



ზესიკ კუპრაძე

ლანჩხუთის მუნიციპალიტეტის საკრებულოს „ქართული ოცნება - დემოკრატიული საქართველოს“ ფრაქციის წევრები

სარეგისტრაციო ფურცელი
21.02.2018 წელი

სახელი, გვარი	დრო	ხელმოწერა
1. თავმჯდომარე – ბესიკ კუპრაძე	13:55	ბ. კუპრაძე
2. ბესიკ ტაბიძე	სი ესნუბოვი	ბ. ტაბიძე
3. ვლადიმერ ნანაძე	სი ესნუბოვი	ბ. ტაბიძე
4. გოდერძი ქურდიე	სი ესნუბოვი	ბ. ტაბიძე
5. კახა თედორაძე	13:55	კ. თედორაძე
6. რეზო კვაჭაძე	13:55	რ. კვაჭაძე
7. ციცილო ჩხაიძე	13:55	ც. ჩხაიძე
8. ზაალ სანაძე	14:00	ზ. სანაძე
9. ცისანა ურუშაძე	13:55	ც. ურუშაძე
10. გიორგი ჩახვაძე	სი ესნუბოვი	ბ. ტაბიძე
11. გიორგი გვარჯალაძე	სი ესნუბოვი	ბ. ტაბიძე
12. დავით ჩხარტიშვილი	სი ესნუბოვი	ბ. ტაბიძე
13. თორნიკე ტიკაძე	13:58	თ. ტიკაძე
14. კახა ბოლქვაძე	14:00	კ. ბოლქვაძე
15. რევაზ კვერენჩილაძე	14:00	რ. კვერენჩილაძე